



O'ZBEKISTON RESPUBLIKASI VAZIRLAR MAHKAMASINING QARORI

20 22 yil « 19 » iyul

№ 390

Toshkent sh.

Халқ таълими вазирлиги тизимида Ўқувчи-ёшларни келажак касларига тайёрлаш марказини ташкил этиш чора-тадбирлари тўғрисида

Ўқувчи-ёшларда замонавий билим ва кўникмаларни шакллантириш, таълим ва ишлаб чиқариш тармоқлари ўртасида интеграцияни йўлга қўйиш, мактаб битирувчиларига замонавий касб-хунар эгаллашлари учун зарур шарт-шароитлар яратиш мақсадида Вазирлар Маҳкамаси қарор қиласди:

1. Ўзбекистон Республикаси Халқ таълими вазирлиги, Бандлик ва меҳнат муносабатлари вазирлиги ҳамда Жиззах вилояти ҳокимлигининг Зомин туманидаги 60-сон умумий ўрта таълим мактаби (кейинги ўринларда – Мактаб) ҳузурида давлат мактабдан ташқари таълим муассасаси шаклида юридик шахс мақомига эга бўлмаган Ўқувчи-ёшларни келажак касбларига тайёрлаш марказини (кейинги ўринларда – Марказ) ташкил этиш тўғрисидаги таклифи маъқуллансин.

2. Куйидагилар Марказнинг асосий вазифалари этиб белгилансин:
умумий ўрта таълим мактаблари ўқувчилари учун келажак касбларига йўналтирувчи тўгараклар фаолиятини ташкил этиш;

ўқувчи-ёшларнинг бўш вақтларидан унумли ва мақсадли фойдаланиш, уларнинг ижодий, интеллектуал ва тадбиркорлик салоҳиятини ошириш, замонавий фанларни чукур ўргатиш учун зарур шарт-шароитлар яратиш;

ўқувчи-ёшларда мустақил қарор қабул қилиш кўникмаларини, ватанпарварлик, миллий ва умуминсоний қадриятларни мустаҳкамлаш, ахборот маконидаги турли таҳдидларга нисбатан соғлом иммунитетни ҳосил қилиш;

ўқувчи-ёшларнинг мустақил ташабbus ва шахсий ғояларини илгари суриш, ҳаётий позицияга эга бўлишини таъминлашга йўналтирилган маҳорат дарсларини ҳамда маданий-маърифий тадбирларни ташкил этиш.

3. Марказ ходимларининг умумий чекланган сони 30 нафар (техник ва хизмат кўрсатувчи ходимлардан ташқари) этиб белгилансин.

Бунда Марказга Жиззах вилояти Зомин тумани Халқ таълими бўлими мудири томонидан лавозимга тайинланадиган ва лавозимдан озод қилинадиган Мактаб директорининг касбга йўналтириш бўйича ўринbosари – Марказ директори раҳбарлик қиласди.

4. Белгилансинки:

Марказ директорининг базавий тариф ставкаси Халқ таълими муассасалари раҳбар ходимлари меҳнатига ҳақ тўлаш бўйича базавий тариф ставкалари миқдорларининг “Баркамол авлод” болалар мактаби директори учун белгиланган базавий тариф ставкасига мувофиқ;

тўгарак раҳбарининг базавий тариф ставкаси Халқ таълими муассасалари педагог ходимлари меҳнатига ҳақ тўлаш бўйича базавий тариф ставкалари миқдорларининг “Баркамол авлод” болалар мактаблари тўгарак раҳбарининг базавий тариф ставкасига мувофиқ амалга оширилади.

5. Куйидагилар Марказни молиялаштириш манбалари этиб белгилансин:

Ўзбекистон Республика Давлат бюджетидан ажратиладиган маблағлар; юридик ва жисмоний шахсларнинг, шу жумладан, Ўзбекистон Республикаси норезидентларининг ҳомийлик хайриялари;

халқаро молия ташкилотлари ва хорижий давлатларнинг грантлари ва техник кўмаклашиш маблағлари;

қонунчилик ҳужжатлари билан тақиқланмаган бошқа манбалар.

6. Ўзбекистон Республикаси Халқ таълими вазирлиги:

бир ой муддатда Марказ тузилмасини, уставини, ходимлар фаолияти самарадорлигини баҳолаш мезонларини (КРІ) тасдиқласин;

манфаатдор вазирлик ва идоралар билан биргалиқда Марказни малакали мутахассислар, зарур ўқув-услубий адабиётлар ҳамда тегишли жиҳозлар билан босқичма-босқич таъминласин ва янгилаб борсин;

Олий ва ўрта маҳсус таълим вазирлиги, Бандлик ва меҳнат муносабатлари вазирлиги билан биргалиқда 2022 йил 1 августга қадар тўгаракларда ўргатиладиган касб-хунарларнинг ўқув режаси ва дастурларини тасдиқласин;

тўгаракларга йўналишлар бўйича малакали мутахассисларни бириктириш чораларини кўрсин;

ўқувчи-ёшлар учун тўгараклар йўналишлари бўйича ташкилотларга амалий экскурсияларни ташкил этсин.

7. Шундай тартиб ўрнатилсинки, 2022 йил 1 сентябрдан бошлаб Марказ директори ва тўгарак раҳбарларининг меҳнати уларнинг фаолият самарадорлигини баҳолаш мезонлари (КРІ) асосида директор жамғармаси ҳамда Халқ таълими вазирлиги хузуридаги Халқ таълими соҳасида ислоҳотларга кўмаклашиш жамғармаси маблағлари ҳисобидан ҳар ойда қўшимча рафбатлантирилади.

8. Мазкур қарорнинг бажарилишини назорат қилиш Ўзбекистон Республикаси халқ таълими вазири Б.О. Сайдов ҳамда Жиззах вилояти ҳокими Э.А.Салиев зиммасига юклансин.

Ўзбекистон Республикасининг
Бош вазири



А.Арипов